

冊
府
元
龜

五

台灣中華書局股份有限公司 出版
宗青圖書出版有限公司 發行

第五冊

冊府元龜

臺灣中華書局印行

卷二二〇

年號

二六三〇

形貌

二六三六

聰識

二六三八

令德

二六四一

才藝

二六四五

卷二二一

勳伐一

二六四七

卷二二二

勳伐二

二六五六

卷二二三

勳伐三

二六六五

卷二二四

奉先

二六七四

孝友

二六七七

宗族

二六七八

卷二二五

世子

二六八四

卷二二六

知人

二六九三

寬恕

二六九四

恩宥

二六九六

戒懼

二七〇〇

卷二二七

謀略

二七〇二

倚任

二七〇九

卷二二八

崇儒

二七一三

務農

二七一五

好文

二七一六

禮士

二七一八

卷二二九

政治

二七二一

求諫

二七二五

聽納

二七二六

褒賞

二七三一

慶賜

二七三三

飲讌

二七三五

交好

二七三六

和好

二七三八

懷附

二七三九

征伐

二七四四

稱藩

二七五五

好土功

二七六九

梅過

二七七一

矜大

二七七三

失策

二七七六

兵敗

二七七八

列國君部

卷二三五

總序

二七八七

建國

二七八九

錫命

二七九四

奉先

二七九六

嗣襲一

二七九七

嗣襲二

二八〇八

智識

二八二二

卷二三八

册府元龜

巡按福建監察御史臣李嗣京 訂正

新建縣舉人 臣戴國士參閱

知建陽縣事 臣黃國琦較釋

問位部 一十九

倚任

夫作朕心膂使如臂指其倚任之謂乎三正既往羸氏獨立然強兵之重必委謀臣及梁益負阻江吳分據取威定霸得士者昌南北變風政俗有異賢哲是賴寵用彌篤益以其才畧明達履用謹飭時名攸重

册府元龜

問位部

卷之二

一

舊德斯茂亦以攀附自始勤勞夙夜凡所更事允合上意繇是大小之務中外迭處榮侍左右斯須罔離或疇咨機謀款密曲盡靡限實地專委要劇乃至總統政治或取論决形於付囑無所嫌間非夫忠信博厚之君子孰克荷於待遇者哉

秦始皇時蒙恬北逐戎狄收河南築長城威振匈奴始皇甚尊寵蒙氏信任賢之而親近恬弟毅位至上卿出則參乘入則御前恬任外事而毅嘗為內謀名為忠信故雖諸將莫敢與之爭焉
蜀先主病篤詔諸葛亮囑以後事又勅後主曰汝與

丞相從事事之如父

龐統字士元蜀先主大器之以為治中從事親侍亞

於諸葛亮遂與亮並為軍師中郎將

董和字幼宰劉璋以為益州太守先主定蜀徵和為

軍軍中郎將與軍師將軍諸葛亮並署左將軍大司

馬府事獻可替否共為歡交

後主建興元年封諸葛亮武侯侯開府治事頃之又

領益州牧政事無巨細咸决於亮

蔣琬後主時為尚書令總統國事費禕為大將軍錄

尚書事自琬及禕雖自身在外慶賞威刑皆過先詔

册府元龜

問位部

卷之二

二

斷然後乃行其推任如此

吳孫策以虞翻為功曹策謂翻曰孤昔再至壽春見

馬日磾及與中州士大夫會語我東方人多才耳但

恨學問不博語議之間有所不及耳孤意猶謂未耳

卿博學洽聞故前欲令卿一論許交見朝士以折中

國晏語兒卿不願行便使子綱恐子綱不能結兒輩

舌也翻曰翻是明府家寶而以示人人儻留之則去

明府良佐故前不行耳策笑曰然因曰孤有征討事

未得還府卿復以功曹為吾蕭何守會稽耳後三日

便遣翻還郡

大帝初張統為會稽東部都尉時帝初承統春秋方
 冒大夫人以方外多難深懷憂勞數有優令辭謝付
 囑以輔弼之義統輒拜版苔謝思惟補察每有異事
 密計及章表書記與四方交結嘗令統與張昭草創
 撰作及帝討江夏以東部少事命統居守遺領所職
 其寧字興霸初歸吳周瑜魯肅共薦達帝加異同於
 舊臣寧乃陳計於帝宜先取黃祖西據楚關可漸窺
 巴蜀帝深納之張昭時在坐難曰吳下業素若軍果
 行恐必致亂寧謂昭曰國家以肅何之任付君若君
 守而憂亂奚以希慕古人乎帝舉酒囑寧曰興霸今
 冊府元龜閏位部 卷之二 三

年行討如此酒矣决以付卿但當勉建方畧令必克
 祖則卿之功何嫌張長史之言乎寧遂西果擒祖獲
 其士衆遂授寧兵屯當口
 薛綜赤烏中為太子少傅領選職綜以名儒君師傅
 之位仍兼選舉甚為優重
 陸遜為荊州牧時劉備病亡子禪襲位諸葛亮秉政
 與大帝連和時事所宜帝輒令遜語亮拜刻帝印以
 置遜所帝每與禪亮書嘗過示遜輕重可有所不
 安便令改定以印封行之遜嘗陳便宜勸以施德緩
 刑寬賦息調云忠謹之言不能極陳求容小臣數以

利聞帝報曰夫法令之設欲以遏惡防邪儆戒未然
 也焉得不有刑罰以威小人乎此為先令後誅不欲
 使有犯者耳君以為大重者孤亦何利其然但不得
 已而為之耳今承來意當重諮謀務求其可且近臣
 有盡規之諫親戚有補察之箴所以規君正主明忠
 信也書載予違汝弼汝無面從孤豈不樂忠信言以
 自裨補耶而云不敢極陳何得為忠謹哉若小人之
 忠有可納用者寧得為人廢言而不採擇乎假但諂
 媚取容雖聞亦有明識也至於廢調者徒以天下未
 定事以衆濟若徒守江夷修崇寬政兵自足用何用
 冊府元龜閏位部 卷之二 四

多為顧坐自守可陋耳若不豫調恐臨時未可便用
 也又孤與君分義特異榮戚實同來表云不敢隨眾
 容身苟免此實甘心所望於君也於是令有司盡寫
 科條使郎中褚逢賞以就遜其諸葛瑾意所不安令
 損益之
 是儀字子羽漢末依劉繇避亂江東繇軍敗儀從會
 稽大帝承攝大業徵儀到見親任專典機密拜騎都
 尉後破曹休入關省尚書事分總平諸官兼領辭訟
 又令教諸公子書學
 朱桓為前將軍領青州牧因事託狂奏請建業治病

大帝使子異攝領部曲令醫視護數月復遣還屯帝
自出祖送謂曰今寇虜尚有王塗未一孤當與君共
定天下欲令君督五萬人專當一面以圖進取想君
疾未復發也桓曰天授陛下聖姿當君臨四海猥重
任臣以除姦逆臣疾當自愈

呂範為征虜中郎將征江夏還平都陽孫策薨奔喪
於吳大帝復征江夏範與張昭留守又為裨將軍領
彭澤太守劉備請京見帝範密請劉備後還平南將
軍屯柴桑帝討關羽過範館謂曰昔早從卿言無此
勞也今當上取之卿為我守建業

冊府元龜 問位部 卷之二 五

宋高祖初謝景仁為高祖鎮軍司馬尋遷吏部尚書
時從兄混為左僕射依制不得相臨高祖答晉帝依
僕射王彪之尚書王邵前例不解職

劉粹為中軍諮議參軍盧循逼京邑京口任重高祖
使粹奉文帝鎮京城轉游擊將軍

朱齡石為左將軍高祖北伐配以兵力守衛殿省劉
毅之甚加信仗內外諸事皆與謀焉

王鎮惡平長安高祖留第二子桂陽公義真為安西
將軍雍秦二州刺史鎮惡以征虜將軍領安西史司

馬馮翊太守委以非禦之任

謝晦為侍中轉領將軍散騎嘗侍依晉中羊祜故事
入直殿省總統宿衛高祖不豫給班劍二十人與尚
書令徐羨之中書令傅亮鍾北將軍檀道濟並侍醫
藥高祖晏駕領軍同被顧命輔政

孟懷玉為江州刺史督江州豫州之西陽新蔡汝南
潁川司州之松滋六郡諸軍事南中郎將刺史如故
時荊州刺史司馬休之居上流有異志故高祖授懷
玉此任以防之

沈林子為高祖參軍有功朝議欲授以一州八郡高
祖器其才智不使出也故出任以來便管軍要自非
冊府元龜 問位部 卷之二 六

戎車所指未嘗外典焉後文帝出鎮荊州議以林子
及謝晦為左藩高祖曰吾不可頃刻無二人林子行
則晦不宜出乃以林子為中郎將為中兵

文帝時沈璞為揚州刺史始興王濬王薄時順陽范
曄為長史行州事曄性頗疎帝詔璞謂曰王畿之政
既不可不理濬以弱年臨州萬物皆屬耳目賞罰得
失時宜詳慎范曄性疎必多不同卿腹心所寄當密

以在意彼雖行其實委卿璞以任遇既深乃夙夜匪
懈其有所懷輒以密啟每至施行必從中出曄正謂
聖明留察故深更恭慎而莫見其際也

謝弘微文帝即位為黃門侍郎與王華王曇首殷景仁劉湛等號曰五臣遷尚書吏部郎參預機密尋轉右衛將軍諸故吏臣並弘微選擬

沈演之為右衛將軍范曄為左衛將軍二人對掌禁旅同參機密演之又為吏部尚書兼太子右衛率雖未為宰相任寄不異也素有心氣疾病歷年文帝使卧疾治事

何尚之為尚書左僕射致仕於方山著退居賦以見

志詔書敦勸文帝又與江夏王義恭詔曰今朝賢無

多且羊孟尚不得告謝羊即羊玄保尚之任遇有殊

冊府元龜問位部 卷之二百 七

便未宜申許耶義恭荅曰尚書清志貞固歷事唯允

雖年在懸車而體猶克壯未相申許下情所同尚之

復攝職既還任事帝待之愈隆是時復遣軍北伐資

給戎旅悉以安之

王弘為侍中鎮江州時徐羨之等以廢殺之罪將見

誅弘既非百謀弟曇首又為文帝所親委事將發密

使報弘羨之等誅徵弘為侍中司徒楊州刺史錄尚

書給班劍三十人帝西征謝晦弘與驃騎彭城王義

康居守入住中書下省引隊仗出入司徒府權置黎

軍

殷景仁為侍中元嘉三年車駕征謝晦司徒王弘入居中書不省景仁張直共掌留任晦平代到彥之為中鎮軍侍中

戴法興為文帝征虜記室史補典籤帝即位法興與典籤戴明寶蔡閏累遷南臺侍御史兼中書通事舍人法興等專管內務權重當時轉給事中太子旅賁中郎將孝武親覽朝政不任大臣而腹心耳目不得

無所委寄法興頗知今古素見親待雖出侍東宮而意任隆密魯郡樂尚之人士之秀元嘉中侍始興王

濬讀書亦涉獵文史為帝所知孝建初補東海國侍

冊府元龜問位部 卷之二百 八

郎仍兼中書凡選授遷轉誅賞處分帝皆與法興尚

之參畫

徐爰為員外散騎侍郎文帝每出軍行師授兵畧王

玄謨等北伐配爰五十人隨軍向碭碭御中旨臨時

宣示

沈慶之為太子步兵較尉北伐屢有謀議文帝謂之

曰河上處分皆合事宜惟恨不棄碭碭耳卿在左右

久偏解我意正復違詔濟事亦無嫌也

孝帝即位何偃遷侍中領驍騎將軍親遇隆密有加

舊臣劉廷孫孝武即位侍中累遷尚書右僕射大明

中為鎮軍將軍南徐州刺史先是高祖遣詔京口要地去都邑密邇自非宗室近戚不得居之廷孫與帝室雖同是彭城人別屬呂縣劉氏居彭城縣者又分為三里帝室居綏興里左將軍劉懷肅居安上里豫州刺史劉懷武居叢亭里三里及呂縣凡四劉雖同出楚元王孫來不序昭穆廷孫於帝本非同宗不應有此授時司空竟陵王誕為徐州孝武深相畏忌不欲居京口遷之於廣陵廣陵與京口對岸欲使腹心為徐州據京口以訪誕故以南徐授廷孫而與之合族使諸王序親

册府元龜

閩位部
倚任

卷之二

九

劉道隆為龍驤將軍孝武分麾下以為三幢道隆與中兵參軍王謙之馬文恭各領其一大明中歷黃門侍郎徐青冀三州刺史前廢帝景和中為右衛將軍委以腹心之任

顏峻為吏部尚書南郡王義宣城質等反以峻兼領軍義宣質諸子藏匿建康秣陵湖孰江寧縣界孝武大怒免丹陽尹椿湛之官收四縣官長以峻為丹陽尹加散騎管侍

顏師伯為侍中親幸隆密群臣莫二遷吏部尚書右軍如故孝武不欲威柄在人親監庶務前後領選者

唯奉行文書師伯專情獨斷奏無不可其後孝武遣詔江夏王義恭解尚書令加中書監柳元景領尚書令入住城內事無巨細悉關二公大事與沈慶之參斷若有軍旅征討悉委慶之總統尚書中書事委師伯外監所統委王玄謨

王玄謨為金紫光祿大夫領大管及建明堂以本官領起部尚書又領北選與柳元景俱受孝武顧命以外監事委玄謨

明帝時沈攸之監豫州之西陽司州之義陽二郡軍事鎮號進軍將軍泰豫元年與蔡興宗同預顧命進册府元龜

閩位部
倚任

卷之二

十

號安西將軍加散騎管侍給諫吹一節未拜會邑民李承明反執大守張澹蜀土騷擾時荆州刺史建平王景素被徵新除荆州刺史蔡興宗未之鎮乃遣攸之權行荆州事攸之既至會承明已平仍以攸之都督荆襄益梁寧南北秦八州諸軍事鎮西將軍荆州刺史持節管侍如故

王景文為鎮南將軍江州刺史徵為左僕射領吏部揚州刺史加太子詹事屢辭內授明帝手詔譬之曰尚書左僕射卿已經此任東官詹事用人雖美職次正可比中書令耳庶姓作揚州徐干木王休元殷鐵

並處之不辭卿清令才望何媿休元毗贊中興豈謝
 千木網繆相與何後殷鐵耶司徒以宰相不應帶神
 州遠遵先旨京口鄉基義重密邇畿內又不得不用
 騾騎陝西任要驟來用宗室騾騎既去巴陵理應居
 之中流雖曰閑地控帶二江通接荆郢經途之要驟
 來有重鎮如此則揚州既闕刺史卿若有辭更不知
 誰應處之此選大備與公卿疇懷非聊爾也

哀察為尚書令與左僕射褚淵中領軍劉劭並受明

帝顧命加班劍三十人談吹一部又云卷王立齊太

乘共掌機事更日入直決事號為四貴秦時有獲
 侯華陽高陵涇陽君稱為四貴至是乃復有焉

冊府元龜閩位部 卷之二百 十一

南齊張岱仕宋孝武時為驃騎長史領廣陵太守新
 安王子鸞以盛寵為南徐州割吳郡屬焉高選佐史
 帝召岱謂之曰卿美効夙著兼資宦已多今欲用卿
 為子鸞佐總刺史之任無謂小屈終當大伸也
 劉懷珍仕宋明帝時為巴陵王景素征西右司馬寧
 朔將軍帝手詔懷珍曰卿性忠謹吾所委賴在彼與
 年少共事不可深存受益景素乃佳但不能接物頗
 亦惰事卿每諫之懷珍奉旨帝寢疾又詔懷珍曰卿
 不應乃作景素佐才舊所寄今徵卿參二衛直後為
 太祖太宰參軍時虜圍泗口懷珍將兵數千破之拜

建武將軍樂陵河間二郡太守賜爵廣晉縣侯明年
 懷珍啓求還孝武答曰邊維須才未宜陳請

李安民仕宋明帝時為寧朔將軍山陽太守三巴擾

亂太守張澹棄涪城走以安民假節度都督討蜀軍

事輔師將軍五獠亂漢中勅安民迴軍至魏興事寧

還至夏口後廢帝元徽初除督司州軍事司州刺史

領義陽太守假節度將軍如故別勅安民曰九江防

過備禦空重今有此授以增鄂鄂之勢無所致辭也

太祖時蘇偁為太祖冠軍錄事參軍是時張永沈攸

之敗後新失淮北始宋朝遣太祖北伐不滿千人每

冊府元龜閩位部 卷之二百 十二

歲秋冬間邊淮騷動嘗恐虜至太祖廣遣偵使安集
 荒餘又營繕城府在兵中久見疑於時太祖乃作塞
 客吟以喻志偁達帝此旨更自勤勵委以府事深見
 知待又沈昭略有剛氣昇明末為相國西曹太祖賞
 之及卽位謂王儉曰南士中有沈昭略何職處之儉
 曰臣已有擬奏轉前將軍軍帝不欲違可其奏尋遷
 為中書郎為桂武將軍桂陽王作難詔復以偁為平
 南錄事領軍主從頓新亭使分金錢賜諸將事寧除
 步兵較尉又為黃門郎領射聲較尉任以心膂
 桓崇祖為豫州刺史進號平西將軍太祖遣使入關

參虜消息還勅崇祖曰卿視吾是守江東而已耶所
少者食卿但努力營田自然平殄殘醜勅崇祖修治
其陂田

江謐爲左民尚書諸皇子出閣用文武主帥皆以委
謐太祖尋勅選曰江謐寒士誠當不得競等儕然甚
有才幹堪爲委用可遷掌吏部謐才長刀筆所在事
辦

劉懷慰初與帝善齊國建帝欲置齊郡於京邑議者
以江右土沃流民所歸乃治瓜步以懷慰爲輔國將
軍齊郡太守帝謂懷慰曰齊邦是王業所基吾方以

冊府元龜 閏位部 卷之二 十三

爲顯任經理之事一以委卿又手勅曰有文事者必
有武備今賜卿玉環刀一口

劉善明爲右衛將軍太祖踐祚以善明勲臣欲與善
明祿詔謂之曰淮南近畿國之形勝自非親賢不使
居之卿爲我卧治也代明帝爲征虜將軍淮南宣城
二郡大守遣使拜授封新塗伯邑五百戶

桓康爲游擊將軍太祖謂康曰卿隨我日久未得方
伯亦當未解我意正欲與卿先共城虜耳魏軍旣動
遣康行假節濊陽太守驍騎將軍

陳顯達爲護衛將軍建元二年元魏寇青陽淮南江

北百姓騷動帝以顯達爲吏部侍郎持節散騎嘗侍
都督南兖徐青冀兗五州諸軍事平北將軍南兖州
刺史鎮之虜退帝勅顯達曰虜經破散後當無復犯
闕理但國家邊防自應過存備豫

宋元嘉二十七年後江夏王祚南兖徒鎮盱眙沈司
空亦以孝武初鎮彼正當以淮上要於廣陵耳卿謂
前代此處分云何今僉議皆云卿應據彼地吾未能
失乃當以擾動文武爲勞若是公計不得憚之

柳世隆建元三年出爲使持節督南兖徐青冀五
州軍事安北將軍南兖州刺史江北畏虜寇騷動不
冊府元龜 閏位部 卷之二 十四

安太祖勅世隆曰比有北信賊猶治兵在彭城年已
垂盡或當未必送然豺狼不可以理推或爲備不
可懈彼躬旣無闕要用空開除使去金城也此正佳
耳發民治之無嫌若作三千人食者已有幾米可指
牒付信還人間若有丁多而細口少者悉令成之非疑
也又勅曰昨夜得北使啓鍾離間賊已渡淮旣深送
奴便當制加勦撲卿好叅候之有惡令諸小戍還鎮
不可賊至不覺也賊旣過淮不容爾退散要應處送
奴者定攻壽陽吾當遣援軍也又遣軍助世隆竝給

軍糧虜退帝欲上斷江北又勅世隆曰呂安國近在

西土斷郢司二境上雜民殆無驚恐近又令垣豫州斷其州內商得崇祖啓事已行竟近無云殊稱前代舊意卿視充部中可行此事不若無所擾者便就手也其見親委如此

荀伯玉為輔國將軍武帝初在東宮用事不法任左右張景真多僭侈伯玉密啓太祖收景真殺之太祖嘉伯玉盡心愈見親信軍國密事多委使之時人為之語曰十勅五令不如荀伯玉命太祖末年指伯玉謂武帝曰此人事我忠我身後人必為其作口遇汝勿信也可令往東官長侍

冊府元龜 閩位部 卷之二百 十五

武帝時曹虎為廣陵太守帝勅虎曰廣陵須心腹非吾意可委者不可得處此任隨郡王子隆代邑巴東王子響為荊州備軍容西上以虎為輔國將軍鎮西司馬南平內史

王儉為左僕射領選太子少傅衛將軍丹陽尹武帝深委仗之士流選用奏無不可五年即本號開府儀同三司固讓六年重申前命先是詔儉三日一還朝尚書令史出外諮事帝以往來煩數復詔儉尚書下省十日出外
蕭詵為步兵較尉武帝齋內兵仗悉付之心背密事

皆使參掌除正員外郎轉左中郎將後軍將軍太守如故武帝卧疾延昌殿勅謀左右宿直韓林即位呼委信謀每請急須出帝通夕不寐謀還乃安
張欣泰累除尚書都官即武帝與欣泰早經欵遇及卽位以為直閣將軍領禁旅

蔡約為空都王冠軍長史淮南太守行府州事武帝謂約曰今用卿為近藩上佐想副我所期約曰南豫密邇京師不治自理臣亦何人燭火不息
樂藹為荊州刺史豫章王巖王簿後為大司馬中兵

參軍轉署記室永明八年荊州刺史巴東王子響稱冊府元龜 閩位部 卷之二百 十六

兵反既罷焚燒府舍官曹文書一時蕩盡武帝引見藹問以西事藹上對許敏帝悅馬用為荊州治中勅付以修復府州事藹還州繕修廨署數百區城軍而後不及民荆郢以為自晉王悅移鎮以來府舍未之有也

崔文仲為徐州刺史時淮北義民拒羈碭於咆犢固與虜戰大破之文仲馳啓帝勅曰此間起義者眾深恐良會不再至卿善養沛中人若能一時襁袂當遣一佳將直入也
明帝永泰元年遣詔曰徐孝嗣可重申入命中書監

本官悉如故沈文季可左僕射嘗侍護軍如故江祐可右僕射江祀可侍中劉暄可衛尉卿軍政大事委陳太尉內外衆事無大小委徐孝嗣暄光坦之江祐其大事與沈文季江祀劉暄參懷心膂之任可委劉俊肅惠休崔惠景

沈文季爲護軍將軍王敬則反詔文季領兵屯湖頭備京路隆昌元年復爲領軍侍中如故後豫廢爵林明帝欲以文帝爲江州遣左右單景嵩宣旨文季口自陳讓稱年老不願外出因問右執法有人未景嵩還具言之延興元年遷尚書右僕射後同受顧命因

冊府元龜

閏位部

卷之二

十七

褚淵轉吏部尚書建安王休仁南討義嘉賊屯鵠尾遣淵詣軍選將帥以下勳階得自專決文朝廷機事多與諮謀每見從納禮遇甚重淵後爲吳郡太守明帝寢疾危殆馳使召之欲託後事及至召入帝坐帳中流涕曰吾疾篤故日召卿欲使著黃羅襪耳指牀頭大函曰文書皆函內冀此函得不復開淵亦悲不自勝黃羅襪乳母服也帝雖小間猶懷身後慮建安王休仁人才美貌物情宗向帝與淵謀誅之淵以爲不可帝怒曰卿廢不足與議事彥回懼而奉旨復爲吏部尚書

梁高祖時常徽初歸高祖大軍發鄧謀留守將帝難其人久之顧徽曰棄驥驥而不乘焉遑遑而更索即日以爲冠軍將軍江夏太守行郢府事

柳慶遠爲侍中高祖初平建業城內嘗夜火禁中驚懼高祖時居官中悉飲諸鑰問榜侍中何在慶遠至悉付之其見任如此

周拾爲尚書令吏部郎太子右衛將軍雖居職屢徙而嘗直內罕得休暇國史詔誥儀體法律軍旅謀謨皆兼掌之日夜侍上預機密二十年未嘗離左右

滅厥爲散騎嘗侍中書通事舍人兼司農卿卒官厥

冊府元龜

閏位部

卷之二

十八

前後居職所掌之局大事及蘭臺廷尉所不能決者勅竝付決厥辯斷精詳咸得其理厥卒後有樞登聞鼓訴者求付清直舍人高祖曰滅厥旣亡此事便無可付其見知如此

蕭介爲武陵王府長史高祖謂何敬容曰蕭介甚貧可處以一郡敬容未對高祖曰始興郡頗無良守嶺民頗不安可以介爲之繇是出爲始興太守介至任宜布威德境內肅清

羊侃大通三年自魏歸梁隨大尉元法僧北討高祖乃召侃問方略侃具陳進取之計侃曰臣拔跡還朝

嘗思効命然寔未會願與法僧同行北人雖謂臣為吳南人已呼臣為虜今法僧同行還是群翁相逐非止有乖素心正欲使匈奴輕漢高祖曰朝廷今日須要卿行乃詔以為大軍司高祖謂偏曰軍司廉來已久故為卿置之

賀琛每進見高祖與語嘗移晷刻故省中語曰上殿不下有賀琛容止閑雅故時人呼之散騎嘗侍奏禮儀如故

郭祖深普通中為南津駁尉加雲騎將軍秩二千石

使募部曲三千及南州公嚴清刻繇來王侯勢家出

冊府元龜

閩位部

卷之二

十九

入南津不忌憲綱挾藏亡命祖深搜簡奸惡不避強

禦動致刑辟奏江州刺史邵陵王太子詹事周捨賊

罪遠近側足莫敢縱恣淮南太守畏之如上府

孔休源為金紫光祿大夫監揚州每車駕巡幸嘗以

軍國事委之昭明太子薨有勅夜召休源入宴居殿

與羣公叅定謀議立晉安王綱為皇太子

元帝時徐文盛為仁威將軍秦州刺史授以東討之

略於是文盛督衆軍東下至武昌遇侯景將士任約

遂與相持久之帝又命護軍將軍尹悅平東將軍杜

幼安巴州刺史王珣等會之姓受文盛節度擊任約

於貝磯約大敗退保西陽

劉璿為徐州刺史蕭循記室叅軍後為華陽太守屬

侯景度江梁室大亂循以璿有才略甚親委之時寇

難繁興未有所定璿乃喟然賦詩以見志其末章曰

隨會平王室夷吾成霸功虛薄無所用徒然慕昔風

循開府置佐史以璿為諮議叅軍仍領記室元帝承

制授冠軍將軍鎮西府諮議叅軍賜書曰鄧禹文學

尚或執戈葛洪書生且云破賊前修無遠屬望良深

顏晃初為邵陵王記室侯景之亂西奔荊州承匡初

除中書侍郎杜龕為吳興太守專好勇力其所部多

冊府元龜

閩位部

卷之二

二十

輕險少年元帝患之乃使晃督其書翰仍勅龕曰卿

年時尚少習讀未曉顏晃文學之士使相毗佐造次

之間必宜咨稟及龕誅晃歸帝以書記親遇甚篤

陳高祖時章昭達為定州刺史是時留異擁兵據東

陽私署守宰高祖患之乃使昭達為長山縣令居其

心腹

沈禮明為通直散騎嘗侍初高祖嘗稱禮明空居王

佐軍國大政多預謀

周寶安為吳興太守父文育為熊曇即所害徵寶安

還起為猛烈將軍領其舊兵仍令南討文帝即位深

器重之寄以心膂精卒利兵多配焉

文帝時華皎為左軍將軍時王琳東下皎隨侯瑱拒之琳平鎮益城知江州事時南州守宰多鄉里富豪不遵朝憲帝令皎以法馭之王琳奔散將卒多附於皎

韓子高天嘉元年為右軍王琳至于柵口子高宿臺內及琳平子高所統益多將士依之者子高盡力論進文帝皆任焉

趙知禮為定州刺史知禮沉靜有謀謨每軍國大事文帝輒令置書問之

冊府元龜 閭位部 卷之二百 二十二

陸繹為左僕射領揚州大中正別賜勅令與徐陵等

七人參議政事

孔奐為御史中丞深達治體每所敷奏帝未嘗不稱善百司滯事皆付奐決之天嘉四年重除御史中丞尋為五兵尚書嘗侍中正如故時文帝不豫臺閣眾事並令僕射到仲舉共奐決之

吳明徹選鎮東將軍吳興太守及辭之郡文帝謂明徹曰吳興郡惟以帝鄉之重故以相授君其勉之

到仲舉為左僕射時文帝積年寢疾不親御萬機尚書中事皆仲舉斷決

陸瓊為殿中郎素有令名深為帝所賞及討周迪陳寶應等都官符及諸大手筆竝中勅付瓊至德元年除度支尚書參選事掌詔誥竝判廷尉建康三獄事遷吏部尚書著作如故瓊詳練諸牒有雅鑒先是吏部尚書宗元鏡卒右僕射袁憲舉瓊宜帝未之用也至是居之號為稱職後王甚委任焉

宜帝時孫陽為通直散騎嘗侍帝即以賜功名素著深委任焉

袁憲為右僕射宣帝不豫憲與吏部尚書毛喜俱受顧命始與王叔陵之肆逆也憲指麾部分預有力焉

冊府元龜 閭位部 卷之二百 二十三

後王被牽病篤謂憲曰我兒尚幼後事委卿憲曰群情喁喁冀聖躬康復後事之旨未敢奉詔以功封建安縣伯邑四百戶領太子中庶子餘竝如故

後王時蔡徵為中書舍人掌詔尋授左民尚書與僕射江總知撰五禮事尋加寧遠將軍帝器其才幹任

寄日重遷吏部尚書安石將軍每十日一任東官於大子前論述古今得喪及當時政務又勅以廷尉寺

獄事無大小取徵議決俄有勅遣徵收募兵士自為部曲徵善撫卹得物情旬月之間眾近一萬

北齊高祖時高乾初解官歸鄉里後聞爾朱榮成乾

馳赴維陽莊帝見之大喜時爾朱黨擁兵在外莊帝以乾為金紫光祿大夫河北大使令招集鄉閭為表裏形援乾喬涕奉詔弟昂援劍起舞請以成自効封隆之魏平與初拜左光祿大夫吏部尚書爾朱榮等軍於廣阿高祖與戰大破之乃遣隆之持節為北道大使高祖將擊爾朱榮等於韓陵留隆之鎮鄴城爾朱兆等走以隆之行冀州事仍領降俘三萬餘人分置諸州

杜弼初坐事左遷灌下鎮司馬魏元象初高祖徵弼為大丞相府法曹行參軍署記室事轉大行臺郎中冊府元龜閩位部 卷之二百 二十四 倚任

尋加鎮南將軍高祖文引弼典掌機密甚是信待或有造次不及書教直付空紙即會宣讀

趙起性沉謹有幹高祖建義旗以段榮為定州刺史起為典籤除奉車都天平中徵為相府騎曹累加中散大夫以文襄嗣事出為建州刺史累遷侍中起於高祖世頗為相府騎兵二局典知兵馬十有餘年至顯祖即祚之後起罷州還闕雖歷位九卿侍中嘗以本官監兵馬出內驅使居心腹之寄

崔暹以趙郡公琰鎮定州辟為開府諮議隨琛往晉陽高祖與語悅之兼丞相長史高祖舉兵將入維留

暹佐琛知後事謂之曰丈夫相知豈在新舊軍戎之事留守任之家弟年少未閑事宜凡百後事一以相屬榷手殷勤至於三四

慕容紹宗為高祖所恩禮初遷都鄴庶事未周乃令詔宗與高隆之共知府軍圖籍諸事

朱愨初擁眾數千人赴高祖除湘州刺史令愨率本眾西還舊鎮高祖親送愨愨至鄉據馬鞍山依險為壘徵糧集兵以為聲勢爾朱兆出井陘高祖破兆於廣阿愨統其本眾屯故城以備爾朱兆相州既平命愨還鄴除西南道行臺都官尚書留守故城爾朱兆冊府元龜閩位部 卷之二百 二十五 倚任

等將至高祖徵愨叅守鄴城

盧勇初起晉陽高祖署為丞相主簿屬山西霜儉運山東租輸皆令載實遠者治罪令勇典其事鄉郡公王虛儻千餘軍勇繩劾之公主訴於高祖而勇守法不屈高祖謂郭秀曰虜勇懷懷有不可犯之色真公人也方當委之大事豈直納租而已後為揚州刺史鎮空陽叛民韓木蘭陳州等嘗為邊患勇啓求入朝高祖賜勇書曰吾委卿揚州唯安枕高卧無西南之慮矣但依朝廷所委表啓宜停卿之妻子任在州任當使漢兒之中無在卿前者